



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Ivstina V. M. 13. Iunij.

urn:nbn:de:hbz:466:1-42032

S. IVSTINA V. M. 13. Iunij.

Gemina Dorotheæ IVSTINA est, consimili fere morte & prodigio à morte consimili illustris. Parentibus orba cum esset, forma tot hostes illi conciliavit, quot procos. At illa, ut cui in amoribus solus IESVS erat, suam etiam Christianis Penelopen ostendit, & mortales procos facile ceteros eludit; cum Fabiano Præsidi plusculum fuit iustandum. Devorandæ enim alapæ, ferenda verbera, & uberum carnificina. Atqui hæc inter supplicia talem IVSTINA vultum præ se ferebat, ut inter paradisi amœnitates, quas unas tunc loquebatur, obambulare sit visa. Et oportebat alteri Dorotheæ alterum etiam Theophilum esse. Zeno hic fuit è iudicii subfelliis primus. Is, cum virgo ad supplicii locum ridens contenderet, rogavit fructus peregrinos sibi è Sponsi hortis transmitteret. Annuvit capite truncanda IVSTINA. Mox latus Zenonis pugio molliter pulsât, & donum à mortuâ virgine strophium missum exhibet. Tunc quoque risit, cum strophium acciperet, qui horti munera sperabat. Sed nesciebat ille sub strophio fructus latere. Hoc enim dum frontem ridens tergit, ecce omnem animo superstitionem abstergit, Christum & se Christianum tam diu clamat, dum lingua è faucibus exsecaretur. Caput demum pro Christo ponit, & quod alij tam grave putant, cælum ridendo meretur. *Ex Ferrar.*

Quousque hic erimus affixi? adhaesimus terræ tanquam vermes; in cano volutamur: corpus deterrâ nobis Deus contulit, ut ipsum in cælum retrahamus; non ut animam per ipsum ad terram detrahamus. S. Chryl. hom. 55. ad pop. Ant.

S. HEN-